



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: UP-1/21-1-40-289-10/24

Datum: 06.12.2024. godine

«Agencija za vodno područje rijeke Save» Sarajevo, rješavajući po zahtjevu JP Ceste Federacije BiH za donošenje Rješenja o prethodnoj vodnoj saglasnosti za aktivnost – izgradnja mosta preko rijeke Une radi spajanja magistralne ceste M14 na desnoj obali rijeke i izgradnja mosta i pristupne ceste do mosta na lijevoj obali rijeke, do magistralne saobraćajnice M4.3 te izgradnja raskrsnica na obje ceste, a u postupku pribavljanja urbanističke saglasnosti, na osnovu člana 109. stav (1) tačka 9. i 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Podnosiocu zahtjeva, JP Ceste Federacije BiH, daje se prethodna vodna saglasnost za aktivnost – izgradnja mosta preko rijeke Une radi spajanja magistralne ceste M14 na desnoj obali rijeke i izgradnja mosta i pristupne ceste do mosta na lijevoj obali rijeke (Malkića otoka) do magistralne saobraćajnice M4.3 te izgradnja raskrsnica na obje ceste, a u postupku pribavljanja urbanističke saglasnosti za izgradnju istog.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na izgradnji mosta preko rijeke Une na lokalitetu Malkića otoka (postojeće ukrštanje magistralne ceste M4.3 i Ivanjskog puta) na lijevoj obali i spajanje sa magistralnom cestom M14 na desnoj obali rijeke Une. Tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine F BiH» broj 31/15, 55/19, 41/20 i 63/22).
 - 2.2. Sa vodoprivrednog aspekta kota donje ivice konstrukcije mosta, u polju i na osloncima, treba da bude viša za minimalno 80 cm računajući i proračunati uspor u odnosu na kotu velike vode rijeke Une ranga pojave 1/100 godina.
 - 2.3. Obalni upornjaci kao i srednji stubovi mosta, u odnosu na prirodni poprečni profil korita rijeke Une trebaju imati takav položaj da ne smanjuju širinu prirodnog korita.
 - 2.4. Sastavni dio investiciono - tehničke dokumentacije za izgradnju mosta treba biti: Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa eventualnim usporom, provesti hidraulički proračun za dionicu uzvodno i nizvodno od mosta te utvrditi vučne napone u koritu vodeći računa o tome da se neposredno uzvodno na lijevoj obali rijeke Une, na predmetnom lokalitetu ulijeva riječica Baštra te za slučaj ako su veći od dozvoljenih u prirodnim koritu odrediti potrebnu dužinu prelaznih dionica od obalnih upornjaka do prirodnog korita sa oblaganjem kosina korita u svrhu zaštite od erozije.
 - 2.5. U projektnoj dokumentaciji dati tehničko rješenje sistema za prikupljanje i ispuštanje oborinskih voda sa konstrukcije mosta u recipijent, definisati mjesto ispuštanja oborinskih voda u recipijent te dati detalj ispusta.
 - 2.6. Projektnom dokumentacijom definisati organizaciju i tehnologiju izvođenja radova na izgradnji novog mosta preko rijeke Une i radova u obalnom pojasu, te definisati mjere koje je potrebno poduzeti u toku izvođenja radova kako ne bi došlo do erozionih procesa u koritu i obalnom područja rijeke Une, do uništavanja obala, do podlokovanja temelja stubova kao i negativnih uticaja na druge korisnike voda (vodosnabdijevanje, ribari i sl.).
 - 2.7. Predmjerom radova predvidjeti i radove na uklanjanju pomoćnih objekata i radove na čišćenju i uređenju korita i obala po završetku izgradnje mosta, uređenje korita rijeke Une u zoni obalnih upornjaka i srednjih stubova mosta, odvodnje oborinskih voda i dr.
 - 2.8. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.

- 2.9. Projektnom dokumentacijom treba, u skladu sa zakonskim propisima, definisati način privremenog pa sve do konačnog zbrinjavanja otpada koji će nastati u toku izgradnje novog mosta i uređenja obala i vodotoka.
- 2.10. Otpad koji će nastati u toku izvođenja planiranih radova se ne smije ni privremeno odlagati na česticu «vodno dobro», odnosno unositi u vodotok i na njegove obale.
- 2.11. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata).
4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja.
 - 5.2. Rješenje o urbanističkoj saglasnosti za izgradnju predmetnog mosta.
 - 5.3. Dokaz o izvršenoj uplati upravne takse u iznosu od 60 KM.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

Obrazloženje

Javno poduzeće Ceste Federacije Bosne i Hercegovine, podnijelo je ovoj Agenciji dana 20.05.2024. godine zahtjev, broj: 01-02.1-5517/21-NP, za izdavanje prethodne vodne saglasnosti za aktivnost – izgradnja mosta preko rijeke Une kao i prilaznog dijela ceste u sklopu izgradnje obilaznice Otoke, odnosno veze između magistralnih cesta M14 i M4.3, na lokalitetu Malkića otoka, u naselju Otoke, područje Grada Bosanska Krupa, a u postupku pribavljanja urbanističke saglasnosti za izgradnju istog.

Uz zahtjev je dostavljena slijedeća dokumentacija:

- Uplatnica upravne pristojbe,
- Popratni akt za dostavu Elaborata za prethodnu vodnu saglasnost, broj: 01-02.1-5517/21-NP od 23.04.2024. godine,
- Elaborat za prethodnu vodnu saglasnost, izgradnja obilaznica Bosanska Otoka (veza cesta M14 i M4.3) Projekat trase i mosta preko rijeke Une; urađen od strane ovlaštenog pravnog lica Routing d.o.o. Banjaluka pod brojem 38.200/2021, januara 2024. godine, u Banjaluci (na uvid, vraćen uz Obavijest o dopuni podneska zahtjeva broj: UP-1/21-1-40-289-3/24, dana 21.06.2024. godine),
- Glavni projekat obilaznice Bosanska Otoka (veza cesta M 14 i M 4.3), Glavni projekat trase i mosta preko rijeke Une – idejni projekat raskrsnice; urađen od strane ovlaštenog pravnog lica Routing d.o.o. Banjaluka pod brojem 38.200/21, februara 2024. godine, u Banjaluci (na uvid, vraćen uz Obavijest o dopuni podneska zahtjeva broj: UP-1/21-1-40-289-3/24, dana 21.06.2024. godine),
- Glavni projekat obilaznice Bosanska Otoka (veza cesta M 14 i M4.3), Glavni projekat trase i mosta preko rijeke Une – idejni projekat mosta – varijanta 1; urađen od strane ovlaštenog pravnog lica Routing d.o.o. Banjaluka pod brojem 38.200/21, februara 2024. god., u Banjaluci (na uvid, vraćen uz Obavijest o dopuni podneska zahtjeva broj: UP-1/21-1-40-289-3/24, dana 21.06.2024. godine),
- Kopija dokumentacija iz prethodno vođenog postupka 2019. godine:
 - Podnesak zahtjeva od 9.12.2019. godine,
 - Zahtjev za uplatu pristojbe za izdavanje Prethodne vodne saglasnosti podnešen Sektoru ekonomsko-financijskih poslova od strane Sektora za studije, projektiranje i građenje JP CESTE FEDERACIJE BIH pod brojem 01-02.1-Interno/19-V.A, dana 06.09.2019. godine,
 - Obavijest o dopuni podneska zahtjeva, izdana od strane Agencije za vodno područje rijeke Save Sarajevo pod brojem UP-I/25-1-40-671-2/19, dana 27.12.2019. godine, u Sarajevu,
 - Obrazloženje, akt broj: 01-02.1-11800- /19-V.A od 14.01.2020. godine, u postupku pribavljanja Prethodne vodne saglasnosti za projekat izgradnje obilaznice Bosanske Otoke – faza I (veza M14- R401), vezano za akt br. UP-I/25-1-40-671-2/19,

- Obavijest o dopuni podneska zahtjeva, izdana od strane Agencije za vodno područje rijeke Save Sarajevo pod brojem UP-I/25-1-40-671-4/19, dana 06.02.2020. godine, u Sarajevu,
- Zahtjev za potvrdu za projekat izgradnje obilaznice Bosanske Otoke – I faza (veza M 14 i R 401), upućen od strane JP Ceste Federacije BiH, aktom broj: 01-02.1-11800-_/19-V.A, prema JKP „10. JULI“ d.o.o. Bosanska Krupa, dana 12.02.2020. godine,
- Potvrda, izdana od strane JKP „10. JULI“ d.o.o. Bosanska Krupa pod brojem 809/20, dana 05.03.2020. godine,
- Popratni akt o dopuni podneska zahtjeva, broj: 01-02.1-118000-_/19-V.A od 09.03.2020. godine,
- Odgovor na Zahtjev za očitovanje u postupku izdavanja prethodne vodne saglasnosti za izgradnju obilaznice Bosanske Otoke (veza M14-R401), općina Bosanska Krupa, proslijeđena od strane Sektora 40 pod brojem UP-I/25-1-40-671-7/19, dana 20.03.2020. godine; dat od strane Sektora 10 pod brojem UP-I/25-1-40-671-8/19, dana 03.04.2020. godine, sa prilogima:
 - Identifikacija pripadnosti predmetne trase vodnom dobru,
 - Identifikacija ugroženosti predmetne trase poplavama ranga pojave 1/100,
- Obavijest o dopuni podneska zahtjeva, izdana od strane Agencije za vodno područje rijeke Save Sarajevo pod brojem UP-I/25-1-40-671-9/19, dana 06.05.2020. godine, u Sarajevu,
- Molba za prekid postupka izdavanja Prethodne vodne saglasnosti za projekat izgradnje obilaznice Bosanske Otoke – I faza (veza M14 i R401); akt JP Ceste Federacije BiH, broj: 01-02.1-11800-_/19-V.A, od 13.05.2020. godine,
- Zaključak o obustavi postupka; izdan od strane Agencije za vodno područje rijeke Save Sarajevo pod brojem UP-I/25-1-40-671-11/19, dana 09.06.2020. godine,
- Zaključak o ispravljanju greške u zaključku; izdan od strane Agencije za vodno područje rijeke Save Sarajevo pod brojem UP-I/25-1-40-671-13/19, dana 29.06.2020. godine,
- Službena zabilješka o unosu u spis predmeta kopija dokumentacije iz prethodno vođenog/prekinutog upravnog postupka:
 - Zaključak o obustavi postupka, izdan od strane AVP Sava pod brojem UP-I/25-1-40-671-11/19 od 09.06.2020. godine,
 - Rješenje o izmjenama podataka, izdano od Općinskog suda u Sarajevu,
 - Uvjerjenje o poreznoj registraciji_prijepis, izdano od strane Porezne uprave F BiH, porezni ured Sarajevo,
 - Rješenje o prestanku registracije poreznog obveznika, izdano od Uprave za indirektno-neizravno oporezivanje,
 - Mišljenje Nosioca izrade Prostornog plana Unsko-saskog kantona; izdano od IPSA Instituta Sarajevo te Izvod iz Nacrta Prostornog plana USK, prilog – Saobraćajna infrastruktura,
 - Komunalna saglasnost, izdana od strane JKP „10. JULI“ d.o.o. Bosanska Krupa,
 - Odluka o kategorizaciji regionalne ceste R-401 u magistralnu cestu M-4.3, usvojena od strane Vlade Federacije,
 - Potvrda o usklađenosti sa zonama sanitarne zaštite, izdana od strane JKP „10. JULI“ d.o.o. Bosanska Krupa,
 - Zahtjev za očitovanjem o statusu vodnog dobra i linije plavljenja, upućen Sektoru 10 AVP Sava,
 - Očitovanje o položaju predmetne trase u odnosu na granicu vodnog dobra i liniju dopiranja velikih voda rijeke Une ranga pojave 1/100 godina, dato od strane Sektora 10 AVP Sava,
 - Identifikacija pripadnosti predmetne trase vodnom dobru,
 - Identifikacija ugroženosti predmetne trase poplavama ranga pojave 1/100.
- Tehnički izvještaj, izvod iz Elaborata za prethodnu vodnu saglasnost (kopija). Predviđene su tri sekcije:
 - trasa za rekonstrukciju u dužini cca 2 km, - izgradnja nove trase u dužini cca 200 m, - izgradnja mosta dužine cca 100 m. Izrada trasa cesta uključuje i odgovarajuće izgradnje ili rekonstrukcije raskrsnica. Predviđena je varijanta mosta statičkih raspona 24+30+24 m, ukupne dužine cca 92 m.

Dana 21.06.2024. godine podnosilac zahtjeva je pismenim putem obaviješten da dopuni podnesak zahtjeva te da se izjasni da li se podnesak zahtjeva odnosi samo na predviđenu gradnju mosta preko rijeke Une i pristupnu saobraćajnicu (dužina cca 100 metara mosta i cca 200 m pristupne saobraćajnice) ili se odnosi i na rekonstrukciju postojeće dionice magistralne ceste M4.3, dionica od postojećeg metalnog mosta u Otoci do predviđene lokacije novoga mosta, dužine cca 2 km). Od podnosioca zahtjeva je traženo da dostavi:

- Studija za izdavanje prethodne vodne saglasnosti izrađena u skladu sa članom 3. i 4. Pravilnika o sadržaju, obliku, uslovima, načinu izdavanja i čuvanja vodnih akata („Službene novine F BiH“, broj: 31/15, 55/19, 41/20 i 63/22), u printanom i elektronskom obliku. Studija pored ostalog treba da obradi položaj trase magistralne ceste unutar vodnog i javnog vodnog dobra, unutar plavnog područja te uslove zaštite obale uslijed gradnje i eksploatacije predmetnog objekta, odnosno uslove zaštite predmetnog objekta od štetnog djelovanja voda te uticaje izgradnje predmetnog objekta na treća lica, okoliš i slično. Također, potrebno je da sadrži šematski prikaz sistema za prikupljanje, tretman i ispuštanje onečišćenih (zauljenih) oborinskih voda sa kolovoznih površina, te odvodnju oborinskih voda sa okolnog zemljišta koje se slijevaju ka trupu ceste, uticaj podzemnih voda, i slično.
- Zemljišnoknjižne izvratke za parcele unutar linije vodnog i javnog vodnog dobra te plavnog područja rijeke Une, odnosno za parcele na kojim je predviđena gradnja predmetnog infrastrukturnog objekta, izdan od strane nadležnog zemljišno-knjižnog ureda Općinskog suda (ZK izvratci dostavljeni u prethodnom postupku su stari 5 godina). Prihvatljiva je dostava kopije originala koji se prilažu u postupku izdavanja urbanističke saglasnosti.
- Kopije katastarskog plana za parcele unutar linije vodnog i javnog vodnog dobra te plavnog područja rijeke Une, odnosno za parcele na kojim je predviđena gradnja predmetnog infrastrukturnog objekta; izdane od strane nadležnog općinskog/gradskog tijela uprave sa upisanim podacima o nekretnini, posjedniku, i dr. (Kopije katastarskog plana dostavljene u prethodnom postupku su stare 5 godina). Prihvatljiva je dostava kopije originala koji se prilažu u postupku izdavanja urbanističke saglasnosti.
- Mišljenje o usklađenosti planiranih aktivnosti sa dokumentima prostornog uređenja, izdano od strane organa uprave nadležnog za prostorno planiranje (u prethodnom postupku je dostavljeno Mišljenje nosioca izrade Prostornog plana USK, a u međuvremenu je Prostorni plan usvojen).
- Članom 3. stav (2) Pravilnika je definirano da su urbanističko-tehnički uslovi kao i informacija o usklađenosti planirane aktivnosti sa prostorno-planskom dokumentacijom sastavni dio Studije.

Obradivač Studije je dana 05.08.2024. godine elektronskom poštom dostavio na uvid nacrt izrade Studije, o čemu je sastavljena službena zabilješka) prema pismeno dostavljenim uputama te:

- Mišljenje o usklađenosti planiranih aktivnosti s dokumentima prostornog uređenja; izdano od strane Gradske uprave, gradonačelnika Bosanske Krupa pod brojem 04-19-6-5942/24, dana 22.07.2024. godine, o čemu je sastavljena službena zabilješka dana 20.08.2024. godine,
 - Izvod iz izmjena i dopuna prostornog plana općine Bosanska Krupa 2007-2027 („Službeni glasnik Općine Bosanska Krupa“, broj 9/09 i Službeni glasnik Grada B Krupa“, broj: 3/24),
 - Tehnički izvještaj iz dostavljenog projekta (kopija),
- E-mail gospođi Vesni Plavšić Stojanović od 20.08.2024. godine (kopija), u kojem je navedeno:
 - Da se investitor izjasni na šta se odnosi predmetni zahtjev (samo na most sa pristupnom cestom, ili i na rekonstrukciju dionice postojeće magistralne ceste),
 - Navedeno šta treba doraditi u dostavljenom nacrtu Studije,
 - Da je dostavljeno mišljenje o usklađenosti predmetne aktivnosti sa prostorno-planskom dokumentacijom od strane gradske uprave Grada Bosanska Krupa, a za izgradnju/rekonstrukciju magistralnih cesta je nadležno Federalno ministarstvo prostornog uređenja te da se, pored lokalnog organa uprave treba očitovati i nadležno kantonalno ministarstvo. U prethodnom postupku je dostavljen Izvod iz Nacrt prostornog plana USK, koji je u međuvremenu usvojen te treba dostaviti izvod iz usvojeno Prostornog plana USK, odnosno mišljenje nadležnog kantonalnog ministarstva za prostorno planiranje.

Dana 02.09.2024. godine je dostavljeno:

- Izvod iz prostornog plana Unsko-sanskog kantona za period od 20 godina, odnosno mišljenje o usaglašenosti predmetne aktivnosti sa prostorno planskom dokumentacijom USK; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-19-9048-2/24 od 29.08.2024. godine, u Bihaću,

Dana 20.09.2029. godine podnosilac zahtjeva je dopunio podnesak zahtjeva sa:

- Popratni akt , broj: 01-02.1-5517- 21-K.D, od 10.9.2024. godine,
- Studija za prethodnu vodnu saglasnost – izgradnja obilaznice Bosanska Otoka (veza cesta M14 i M4.3.), Projekat trase i mosta preko rijeke Une; urađena od strane ovlaštenog pravnog lica Routing d.o.o. Banja Luka pod brojem 38.200-1/2021, augusta 2024. godine, u Banjaluci,
 - Kopija katastarskog plana; Katastarska općina: OTOKA I, Broj plana: 2; Nomenklatura lista: 5K16-42-5; izdana od strane gradskog organa uprave Grada Bosanska Krupa pod UR BROJ: 04-26-2-6042/2024-8, dana 24.07.2024. godine;
 - Kopija katastarskog plana; Katastarska općina: OTOKA I, Broj plana: 5; Nomenklatura lista: 5K16-42-8; izdana od strane gradskog organa uprave Grada Bosanska Krupa pod UR BROJ: 04-26-2-6042/2024-7, dana 24.07.2024. godine;

- Kopija katastarskog plana; Katastarska općina: OTOKA I, Broj plana: 5; Nomenklatura lista: 5K16-42-8; izdana od strane gradskog organa uprave Grada Bosanska Krupa pod UR BROJ: 04-26-2-6042/2024-5, dana 23.07.2024. godine;
- Kopija katastarskog plana; Katastarska općina: OTOKA II, Broj plana: 5; Nomenklatura lista: 5K16-42-12; izdana od strane gradskog organa uprave Grada Bosanska Krupa pod UR BROJ: 04-26-2-6042/2024-2, dana 23.07.2024. godine;
- Kopija katastarskog plana; Katastarska općina: OTOKA I, Broj plana: 5; Nomenklatura lista: 5K16-42-8; izdana od strane gradskog organa uprave Grada Bosanska Krupa pod UR BROJ: 04-26-2-6042/2024-6, dana 24.07.2024. godine;
- Zemljišnoknjižni izvadak, Broj: 018-0-NAR-24-000 891, Zemljišnoknjižni uložak broj: 263, Katastarska općina: OTOKA I; izdan od strane Zemljišnoknjižnog ureda Općinskog suda u Bosanskoj Krupi dana 25.07.2024. godine,
- Zemljišnoknjižni izvadak, Broj: 018-0-NAR-24-000 892, Zemljišnoknjižni uložak broj: 927, Katastarska općina: OTOKA I; izdan od strane Zemljišnoknjižnog ureda Općinskog suda u Bosanskoj Krupi dana 25.07.2024. godine,
- Zemljišnoknjižni izvadak, Broj: 018-0-NAR-24-000 893, Zemljišnoknjižni uložak broj: 1517, Katastarska općina: OTOKA I; izdan od strane Zemljišnoknjižnog ureda Općinskog suda u Bosanskoj Krupi dana 25.07.2024. godine,
- Zemljišnoknjižni izvadak, Broj: 018-0-NAR-24-000 894, Zemljišnoknjižni uložak broj: 1513, Katastarska općina: OTOKA I; izdan od strane Zemljišnoknjižnog ureda Općinskog suda u Bosanskoj Krupi dana 25.07.2024. godine,
- Zemljišnoknjižni izvadak, Broj: 018-0-NAR-24-000 895, Zemljišnoknjižni uložak broj: 69, Katastarska općina: OTOKA I; izdan od strane Zemljišnoknjižnog ureda Općinskog suda u Bosanskoj Krupi dana 25.07.2024. godine,
- Zemljišnoknjižni izvadak, Broj: 018-0-NAR-24-000 896, Zemljišnoknjižni uložak broj: 1490, Katastarska općina: OTOKA I; izdan od strane Zemljišnoknjižnog ureda Općinskog suda u Bosanskoj Krupi dana 25.07.2024. godine,
- Mišljenje o usklađenosti planiranih aktivnosti s dokumentima prostornog uređenja; izdano od strane Gradske uprave, gradonačelnika Bosanske Krupe pod brojem 04-19-6-5942/24, dana 22.07.2024. godine, o čemu je sastavljena službena zabilješka dana 20.08.2024. g.,
- Izvod iz izmjena i dopuna prostornog plana općine Bosanska Krupa 2007-2027 („Sl. glasnik Općine Bosanska Krupa“, broj 9/09 i Službeni glasnik Grada Bosanska Krupa“, broj: 3/24),
- Izvod iz prostornog plana Unsko-sanskog kantona za period od 20 godina, odnosno mišljenje o usaglašenosti predmetne aktivnosti sa prostorno planskom dokumentacijom USK; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-19-9048-2/24 od 29.08.2024. godine, u Bihaću.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 25.9.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Bihaću, te dana 26.9.2024. godine u dnevnom glasilu «OSLOBOĐENJE». U datim rokovima nije bilo pisanih izjašnjenja o predloženim aktivnostima iz zahtjeva. Za troškove oglašavanja podnosiocu zahtjeva je prosljeđen:

- Zaključak o visini i roku za plaćanje posebnih troškova pod brojem UP-1/21-1-40-289-8/24, dana 11.11.2024. godine, za koje je dostavljena uplatnica.

Na osnovu uvida u dostavljenu dokumentaciju utvrđeno je:

Izgradnjom novog mosta preko rijeke Une na predmetnom lokalitetu biće povezan prostor Unsko-sanskog kantona na lijevoj obali sa magistralnom cestom M14, koja vodi ka Prijedoru i Banjaluci, na desnoj obali rijeke Une. Planirana dužina mosta je cca 80 metara, sa tri raspona (24+32+24m), širine kolovoza 6,6 m sa jednostranim pješačkim stazama širine 1,6 m. Raskrsnica na lijevoj obali je predviđena u obliku rotora vanjskog prečnika 34 m, širine kolovoza 6,75 metara. Na desnoj strani rijeke Une je predviđena klasična raskrsnica. Uvidom u dostavljenu Studiju za izdavanje prethodne vodne saglasnosti urađenu od strane «Routing» d.o.o. Banjaluka, augusta 2024. godine, utvrđeno je da je za novi most koji će povezati prostor USK sa regijom Banjaluke, u visinskom pogledu niveleta prevashodno određena na osnovu hidrauličkog proračuna otvora mosta kojim je za max proticaj povratnog perioda 1/100 utvrđena kota velike vode rijeke Une na lokaciji mosta od $H_{1/100}=139,90$ m.n.m., odnosno kota donje ivice konstrukcije mosta je na visini od min 0,94 m iznad kote velike vode povratnog perioda 1/100. Hidrauličkom analizom utvrđeno je da ne postoji negativan uticaj mosta na okolno područje. Oborinske vode sa mosta i pristupne saobraćajnice će se prikupljati putem slivnika i kanalizacione mreže sa krajnjim ispuštom u rijeku Baštru (na lijevoj obali), odnosno u rijeku Unu, na

desnoj obali.

Most je predviđen da se gradi iznad rijeke Une, k.č. broj: 1241/1 K.O. Otoka I (lijeva obala) i k.č. broj: 618/1 K.O. Otoka II (desna obala).

Raskrsnica broj 1 je predviđena da se gradi na desnoj obali rijeke, spoj na magistralnu cestu M14. Predviđena je i rekonstrukcija dijela ceste uz raskrnicu, u oba pravca (Bosanski Novi i Bosanska Krupa). Predviđeni radovi bi se izveli na zemljištu označenom kao k.č. broj: 7, 620/1 (magistralna cesta M14) i 619/1 (željeznička pruga). Odvodnja zauljenih oborinskih voda sa raskrsnice i dijela mosta i magistralne ceste koji se izdiže je predviđena prema separatoru ulja i masti smještenom na cestovnom zemljištu (620/1) sa ispustom u rijeku Unu (618/1). U pravcu Bosanskog Novog je predviđena izrada cjevastog propusta za odvodnju oborinskih voda sa postojećeg dijela magistralne ceste (k.č. br. 7 i 618/2). Nije predviđena ugradnja separatora ulja i masti, što treba predvidjeti glavnim projektom. Predviđena je izrada AB potpornih zidova za uklapanja u most, sa obje strane mosta (k.č. br. 620/1, 7 i 618/1).

Raskrsnica br. 2 je predviđena za gradnju na lokaciji postojeće raskrsnice magistralne ceste M4.3 i Ivanjskog puta (k.č. broj: 1247 (magistralna cesta M4.3), 180/7, 180/1, 177, 176/3, 176/2, 172 i 168/2, sve K.O. Otoka I). Dio rekonstrukcije puta prema Bosanskoj Krupi (k.č. broj: 181, 182, 164, 166, 168/3). Uklopljen postojeći prilaz pristupnog puta izgrađenog na zemljištu označenom kao k.č. broj: 180/6. Predviđena izgradnja priključka pristupnog puta izgrađenog na zemljištu označenom kao k.č. broj: 191 K.O. Otoka I. Predviđena odvodnja oborinskih zauljenih voda sa lijeve strane mosta, raskrsnice i dijela ceste uz raskrnicu, do separatora ulja i masti predviđenog u cestovnom zemljištu označenom kao k.č. broj: 1247, sa ispustom u korito rijeke Baštre, predviđenog na zemljištu označenom kao k.č. broj: 1242 k.o. Otoka I (rijeka Baštra). Predviđena rekonstrukcija dijela magistralne ceste u pravcu Bužima na zemljištu označenom kao k.č. broj: 168/1, 50 i 169 K.O. Otoka I. Predviđena izrada priključka Ivanjskog puta na magistralnu cestu, zemljište označeno kao k.č. broj: 1246 K.O. Otoka I (Ivanjski put).

Predviđena izgradnja pristupne ceste od magistralne ceste M4.3 do predviđenog mosta, na zemljištu označenom kao k.č. broj: 177, 176/1, 175 sa izradom dva priključka na parcele označene kao k.č. broj: 176/1 i 176/3 K.O. Otoka I.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu. Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Nihad Pezo, dipl. inž. građ.

Dostaviti:

- JP Ceste Federacija BiH, Terezija br 54, 71 000 Sarajevo,
- Grad Bosanska Krupa; Terzića bb, 77 230 Bosanska Krupa,
- Ministarstvo za građenje, prostorno uređenje i zaštitu okoliša USK, Alije Đerzeleza br. 2, 77 000 Bihać

⊕ AVP Sava, ISV - vodna knjiga

- Sektor 40 - arhiva
- Oglasna ploča - AVP Sava